



Maman!

Proget promovût di 'Il Friuli' e 'ARLeF'

TANT PAR RIDI



Savêso cuâl che al è il colm par un mangjadôr di fûc? Vê brusôr di stomi!

LIS AVENTURIS DI VIGJI

VIGJI, PRESEÂT DI DUCJ

Tra Nadâl, Sant Stiefin, ultin dal an, prin dal an, Epifanie (che e je ancje la di dal complean di Roberto), Vigji al veve podût partecipâ a tantis fiestis e cognossi tante biele



int. Si jere cjatât, cun sorprese, a jessi stât simpri lui il centri de atenzion di dutis chestis ocasions: amîs di Daria che sal passavin di un braç a di chel altri par cjareçâlu cun amôr, agnis di Daria che i fasevin cerçâ bocognuts di ogni sorte, barbîs che i russavin il mustic e i lustravin il pêl, cusinuts che a zuiavin cun lui come che al fos un frutin cuntune balute e cun glimuçs di lane ducj colorâts. Vigji al veve cognossût pardabon il plasê di vê une famee e di jessi preseât di ducj... e se gjoldeve di gust.


(Al va indenant...)

CJANTIS, FILASTROCJIS, POESIIS

"Se il fum al va a soreli a mont, cjape il sac e va pal mont";
 "Se il fum al va a tramontan, pocje farine e pôc pan";
 "Se il fum al va a soreli jevât, cjape il sac e va al marcjât";
 "Se il fum al va a la marine, cjape il sac e va a cjoli la farine".

ZÛCS

Nord, Sud, Est o Ovest?
 Posizione ta chestre bussule
 "soreli a mont"; "soreli jevât",
 "marine" e "tramontan".



LU SAVEVISO CHE...?

■ I Pignarûi a son tassis di lens, fen, robe vecje e di dut ce che si pues brusâ, che a vegnin impiadis in dut il Friûl o la sere dai 5 o dai 6 di Zenâr, come at rituâl di purificazion e di propiazion. Dant fûc al simbul de viere vegetazion, i antîcs a domandavin ai lôr dius pagans di no jessi bandonâts ae scuretât e aes criûris dal Invier. A domandavin che la Primevere, e cun jê la vite, midiant dal resurî de nature, e podès tornâ a confuartâ la esistence dai oms. La preparazion dal Pignarûl e jere risiervade ai zovins, parcè che lôr a rapresentavin lis fuarcis dal rinovament de vite. Ce che si veve di brusâ al jere ufiert di dute la comunitât; di fat, al rituâl, a cjapavin part ducj. Il Pignarûl al profetave cuâl che al sarès stât il destin de anade che e stave scomençant.

LA DETULE DAL DÌ
 DASPÒ LA EPIFANIE, IL FRÊT AL VA IN SCLAVANIE.

Pagjinis curadis di Daria Miani
 Consulence linguistiche de ARLeF



Fruts, di vuê al torne Maman! cuntune gnove stagjon e cun tantis sorpresis! Us din apontament **su telefriuli**



RICETIS - Master Cogo Furlan

LIS SCOVIS DOLCIS DE BEFANE

Par fâ lis scovis dolcîs de Befane o vês dibisugne di:


- 1 scjate di "Mikado"
- 6 biscots secs a forme retangolâr
- 100 grams di creme di cjocolate
- Une rodele di licuirizie

Mi racomandi, prime di scomençâ: lavaitis simpri lis mans; metêt sù lis manecis, un grumâl intor par no sporcjâsi, un cjapiel di cogo par no pierdi cjavei inte pignate, e fasêti simpri judâ di un grant par ducj i passaçs.



Sêso pronts? Alore scomencin!
 Taiait i biscots fin che o otignîs la forme di une scove.
 Staronzait la ponte dai "Mikado" cuntun curtis uçât, par fâle plache.
 Metêt parsore dai biscots la creme di cjocolate.
 Cumò cumbinait i biscots a doi a doi, de bande li che e je la cjocolate: atenzion che tal mieç o vês di meti il "Mikado" tant che mani de scove.
 Disrodolait la rodele di licuirizie e doprait dome un toc par peâ lis "sedis", come tes scovis di une volte.
 Velis ca lis scovis dolcîs de Befane!

Imagjin gjavade dal sît:
<http://www.cuochiecucine.it>



"A ogni frUT il so librUT", "I amis di UT" – Deborah Crapiz e Dorianna Alessio – Corvino Edizioni, 2016.

99 PERAULIS



"99 Peralis. Fovelâ cul mont. Parlare col mondo. Talking to the world", di Silvana Schiavi Fachin, Futura Edizioni, 2014, realizât in colaborazion cun ARLeF

Ce isal?

Met a puest dutis lis tessaris inte gridele chi sot e scuvierç ce che al salte fûr!

Colp di voli

Sâstu di tropis che a son lis ancoris di mâr inte figure?

